

Автомобиль жолдарын мемлекеттік есепке алу ережесін бекіту туралы

Күшін жойған

Қазақстан Республикасы Үкіметінің 2003 жылғы 18 наурыздағы N 265 қаулысы.
Күші жойылды - Қазақстан Республикасы Үкіметінің 2015 жылғы 10 тамыздағы
№ 623 қаулысымен

Ескерту. Күші жойылды - ҚР Үкіметінің 10.08.2015 № 623 қаулысымен (алғашқы ресми жарияланған күнінен бастап қолданысқа енгізіледі).

"Автомобиль жолдары туралы" Қазақстан Республикасының 2001 жылғы 17 шілдедегі Заңына сәйкес Қазақстан Республикасының Үкіметі қаулы етеді:

1. Қоса беріліп отырған Автомобиль жолдарын мемлекеттік есепке алу ережесі бекітілсін.
2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

Қ а з а қ с т а н Р е с п у б л и к а с ы
Ү к і м е т і н і ң
2 0 0 3 ж ы л ғ ы 1 8 н а у р ы з д а ғ ы
N 2 6 5 қ а у л ы с ы м е н
бекітілген

Автомобиль жолдарын мемлекеттік есепке алу ережесі

1. Жалпы ережелер

1. Осы Автомобиль жолдарын мемлекеттік есепке алу ережесі "Автомобиль жолдары туралы" Қазақстан Республикасының 2001 жылғы 17 шілдедегі Заңына сәйкес әзірленген, жалпы пайдаланымдағы автомобиль жолдарын, шаруашылық автомобиль жолдарын, қалалар мен елді мекендердің көшелерін мемлекеттік есепке алу тәртібін белгілейді (бұдан әрі - автомобиль жолдары).

2. Осы ережеде мынадай негізгі ұғымдар қолданылады:
автомобиль жолдарын мемлекеттік есепке алу - автомобиль жолдары саласындағы уәкілетті органның (бұдан әрі - жол органы) автомобиль жолдарын паспорттау негізінде деректер банкін құру;
автомобиль жолдарының паспорты - жолдарды техникалық есепке алуды

жүргізу нәтижесінде алынған автомобиль жолдарының техникалық және пайдалану сипаттамасы туралы деректерін қамтыған техникалық құжат; жолдарды техникалық есепке алу - автомобиль жолдарының паспортын жасау үшін автомобиль жолдарына техникалық және пайдалану сипаттамасы туралы деректер жинағы.

3. Барлық автомобиль жолдары мемлекеттік есепке алуға жатады.

2. Мемлекеттік есепке алуды жүргізу тәртібі

4. Автомобиль жолдарын мемлекеттік есепке алуды жүргізу мақсатында жол органы жолдарды техникалық есепке алуды жүргізеді, деректер банкінің құрылуы негізінде автомобиль жолдарының паспорты қалыптасады.

5. Жолдарды техникалық есепке алу мынадай кезеңдерді көздейді:

1) д а й ы н д ы қ ;

2) д а л а л ы қ ;

3) камералдық жұмыстар.

6. Дайындық жұмыстары кезінде жол органдары бағдарлама жасайды, онда жұмыстардың көлемі, еңбек және көлік шығындары, жұмыстардың орындалу мерзімі анықталады.

7. Дала жұмыстары кезінде жолға (объектіге) қатысты жолдың сипаттамасы және параметрі туралы деректер жинау орындалады.

8. Камералдық жұмыстар кезінде дала жұмыстарын өңдеу және техникалық құжаттарға жол органы белгілейтін сипаттамасы мен параметрі туралы деректер енгізуді жүргізеді.

9. Мемлекеттік есепке алу республикалық бюджетте көзделген қаражат шеңберінде жүргізіледі.

10. Техникалық есепке алуды және паспорттауды жүргізуге жол органы жасайтын мемлекеттік сатып алу туралы заңнамада белгіленген шарттар бойынша ғылыми-зерттеу, жобалау-ізвестіру және басқа да мамандандырылған ұйымдар тартылады.

11. Жаңадан салынған, қайта жаңғыртылған және пайдалануға берілген автомобиль жолдарын немесе олардың учаскелерін техникалық есепке алу дала жұмыстарын орындаусыз қолдағы жобалық немесе орындаушылық құжаттама негізінде жүргізуге жіберіледі.

12. Жаңадан салынған, қайта жаңартылған және пайдалануға берілген автомобиль жолдарын техникалық есепке алу мемлекеттік қабылдау комиссиясының актілері бекітілгеннен кейін алты айдан кешіктірілмей жүргізіледі.

13. Жолдарды техникалық есепке алуды жүргізу нәтижесінде алынған автомобиль жолдарының техникалық және пайдалану сипаттамасы туралы деректер негізінде жол органы бекітетін автомобиль жолдарының паспорты, нысаны қалыптасады.

14. Автомобиль жолдарының паспортына, және деректер банкіне, жыл сайын 1 қаңтардағы жай-күйі бойынша өзгерістер енгізіледі.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК